

Imami nga Tetova, Nuhi Ganiu në një ligjëratë të tij të ditës së premte, në namazin e Xhumasë, ka akuzuar dhe dënuar ashpër se si një bastore maqedonase ka përdhosur xhamitë dhe Qabën e Shenjtë të myslimanëve me logon e bastores së tij.

“Ky është një kalendar, e cila në faqen e parë është Kabba (Qabja), këtë kalendar nuk e ka nxjerrë Bashkësia Islame, apo ndonjë agjenci për haxhilerët. Me këtë kalendar ju urohet Viti i Ri, myslimaneve nga bastoret dhe kazinotë të cilat ne sot i kemi brenda në Tetovë”, tha imami, njofton TetovaSot.

Sipas imamit, Nuhi Ganiu, bastorja maqedonase “Zlatna Kopačka” ju uron Vitin e Ri, myslimaneve, femijëve të myslimanëve me këtë kalendar islam. Ku është Bashkësia Islame?, ku është kryetarja e Komunës së Tetovës, Teuta Arifi, ku janë qeveritarët, kryetarët e partive, si tolerohet që bastorja maqedonase të nënçmojë myslimanët, dhe të na llogaritë si ardhacak.

“Shiheni çfarë nënçmimi ju bëhet myslimanëve, në nuk jemi as arab, as turq, as shqiptar në Australi e as në Zvicër, as në Gjermani e as në Francë. Jemi në trojet tona kemi derdh gjak për këtë islam dhe për këtë vatan, dhe dikush neve të na llogaritë si ardhacak dhe të na ofendojë në ndjenjat fetare në këtë formë është turpi i madh. Ku është Bashkësia Islame ku është kryetarja e Komunës së Tetovës, Teuta Arifi, ku janë kryetarët e partive, ku janë qeveritarët që i kemi në. Si tolerohet të del një bastore maqedonase dhe të përdhosë xhamitë dhe Qabën me logon e bastores”, tha mes tjerash në ligjëratën e tij imami nga Tetova, Nuhi Ganiu./TetovaSot/